



**JAVNA USTANOVA ZA PREDŠKOLSKI ODGOJ I OBRAZOVANJE  
„NAŠE DIJETE“ TUZLA  
KREČANSKA BROJ 3, 75000 TUZLA  
ID BROJ: 4209046740000    CENTRALA/FAX: +38735369920  
n-dijete@bih.net.ba    www.nasedijete.ba**

Na osnovu člana 18. Zakona o predškolskom odgoju i obrazovanju ("Službene novine Tuzlanskog kantona", broj 10/20, 5/22, 5/25 i 18/25), člana 9. Pravilnika o prijemu djece u Ustanovu broj: 02-04-604/2026 od 06.02.2026. godine, te Odluke Upravnog odbora o utvrđivanju kriterija za upis djece broj: 02-04-1147-1/2026 od 25.03.2026. godine, direktor Ustanove objavljuje

**REDOVAN OGLAS  
ZA PRIJEM I UPIS DJECE U JAVNU USTANOVU ZA PREDŠKOLSKI ODGOJ I OBRAZOVANJE „NAŠE DIJETE“  
ZA PEDAGOŠKU 2026/2027. GODINU**

Poštovani roditelji,

Obavještavamo Vas da od **01.04.2026.** godine počinje upisni rok u Javnu ustanovu za predškolski odgoj i obrazovanje "Naše dijete" Tuzla i traje do **15.04.2026.** godine.

Zbog velikog interesovanja korisnika za korištenje naših usluga, molimo da na vrijeme podnesete zahtjev i osigurate mjesto za Vaše mališane.

**I** Upis se vrši u vrtiće Ustanove i to za:

1. Cjelodnevni boravak u radnom vremenu od 06,00-17,00 sati će se organizovati u svim vrtićima.
2. Poludnevni boravak u radnom vremenu od 07,00-12,00 ili od 08,00-13,00 sati.
3. Prilikom prijema djece putem Redovnog oglasa za prijem i upis djece u Javnu ustanovu za predškolski odgoj i obrazovanje „Naše dijete“ za pedagošku 2026/2027. godinu, biće obuhvaćena samo djeca predškolskog uzrasta.

Odgojne grupe će biti formirane u skladu sa Pedagoškim standardima vodeći računa o brojnosti i uzrastu djece.

**II** Programi iz tačke 1. i tačke 2. prethodnog stava će biti organizovan kao:

- **Jasličke grupe (djeca uzrasta od 6 mjeseci do 3 godine)** u vrtićima: Pčelica (naselje Irac), Poletarac (naselje Slatina), Sunčica (naselje Brčanska Malta), Kolibri (naselje Stupine), Jelenko (naselje Mosnik) i Bubamara (naselje Slavinovići).
- **Vrtićke grupe (djeca uzrasta od 3 godine do polaska u osnovnu školu)** u svim vrtićima Ustanove.

**III** U okviru dnevnog boravka realizovat će se Cjeloviti razvojni program.

**IV** Na oglas se mogu prijaviti zainteresovani roditelji koji žele koristiti usluge Javne ustanove za predškolski odgoj i obrazovanje „Naše dijete“ Tuzla od 01.09.2026. godine.

**V** Potrebna dokumentacija:

**Za ranije korisnike usluga obavezna je sljedeća dokumentacija:**

1. Uredno popunjen obrazac Zahtjeva za upis – (koji je u prilogu oglasa)

**Za djecu koja se upisuju prvi put obavezna je sljedeća dokumentacija:**

1. Uredno popunjen obrazac Zahtjeva za upis – (koji je u prilogu oglasa)
2. Izvod iz matične knjige rođenih za dijete/djecu (original ili ovjerena fotokopija)
3. CIPS obrazac za dijete (original ili ovjerena fotokopija)
4. CIPS obrazac za roditelja (original ili ovjerena fotokopija)

**Prioritet kod prijema i dodatna dokumentacija kojom se dokazuju prednosti pri upisu**

1. Prioritet kod prijema imaju:
  - a) djeca uzrasta od 6 mjeseci do polaska u školu (djeca predškolske dobi)
  - b) djeca predškolskog uzrasta koja su u prethodnoj godini redovno koristila usluge, te ranije nije vršen raskid ugovora radi nepoštivanja ugovorenih obaveza od strane korisnika usluga i djeca podnosioca prijave za upis koji nemaju neizmirenih obaveza na dan 31.03. tekuće godine, osim u okolnostima koje nisu uzrokovane

krivicom Ustanove ili korisnika usluga (stanje nesreće, pandemija, havarija i sl.), a utiču na relevantnost datog podatka, gdje će se samo uzimati u obzir podatak o upisanoj djeci sa 31.03. tekuće godine.” - dokumentacija i arhiva JU „Naše dijete“ Tuzla;

- c) djeca bez roditeljskog staranja - uvjerenje Centra za socijalni rad o pripadanju kategoriji;
- d) djeca samohranog roditelja - smrtni list ili rješenje nadležnih organa u pogledu dokazivanja



JAVNA USTANOVA ZA PREDŠKOLSKI ODGOJ I OBRAZOVANJE  
„NAŠE DIJETE“ TUZLA  
KREČANSKA BROJ 3, 75000 TUZLA  
ID BROJ: 4209046740000 CENTRALA/FAX: +38735369920  
n-dijete@bih.net.ba www.nasedijete.ba

- e) djeca roditelja kojima je priznat status neke od kategorija po osnovu dopunskih prava boraca i članova njihovih porodica u skladu sa Zakonom o pravima boraca i članova njihovih porodica, civilnih žrtava rata, neratnih invalida - Rješenje općinskih službi za boračka pitanja o dokazivanju statusa;
  - f) roditelji sa dvoje ili više djece - dokumentacija i arhiva JU „Naše dijete“ Tuzla;
  - g) djeca koja se nalaze na listi čekanja na dan 31.03. tekuće godine - dokumentacija i arhiva JU „Naše dijete“ Tuzla;
  - h) djeca koja imaju prebivalište u općini u kojoj se nalazi vrtić - obrazac prebivališta CIPS ili PBA3 obrazac;
  - i) djeca invalida - rješenje o utvrđivanju invalidnosti;
  - j) djeca sa posebnim potrebama - medicinska dokumentacija djeteta;
  - k) djeca korisnika socijalnih primanja - rješenje nadležnog Centra za socijalni rad/Ministarstva kojim se ostvaruju prava na socijalna primanja;
  - l) djeca redovnih studenata - uvjerenje/potvrda visoko obrazovne institucije o statusu redovnog studenta.
2. Radi ostvarivanja prava prvenstva i bodovanja po određenom kriteriju, osim iz tačke a) i g) podnosilac zahtjeva se obavezuje za blagovremeno dostavljanje relevantnih dokaza preciziranih javnim pozivom u tu svrhu (priložiti uz Zahtjev za upis).
  3. Kriterije iz tačke a) i g) provjerava Komisija prilikom analize i bodovanja svakog zahtjeva za upis djeteta pojedinačno prema službenim evidencijama davaoca usluga (Ustanove).

VI Prijem djece će se izvršiti u skladu sa odredbama Pravila Ustanove i Pravilnika o prijemu djece u Javnu Ustanovu za predškolski odgoj i obrazovanje „Naše dijete“ Tuzla i Odluke Upravnog odbora Ustanove o utvrđivanju kriterija za upis i prijem djece u predškolsku ustanovu. U slučaju nedostavljanja traženih dokaza podnosilac zahtjeva ne ostvaruje prednost pri upisu po datom kriteriju iz tačke 5.

VII Oglas ostaje otvoren do **15.04.2026.** godine. Podnosioci čiji zahtjevi nisu odobreni zbog prekobrojnosti, a ispunjavaju sve formalno-pravne uslove teksta Javnog oglasa uvrštavaju se na listu čekanja te se razmatraju i rješavaju tokom godine ukoliko se pojave slobodna mjesta u željenom vrtiću.

VIII Prijave sa potpunom dokumentacijom dostaviti u Službu za opšte i pravne poslove Ustanove, vrtić “Pčelica”, ul. Krečanska broj 3. (naselje Irac) u Tuzli (od 07,00 – 16,00 sati). Prilikom podnošenja zahtjeva za upis na osnovu redovnog javnog oglasa, svakom zahtjevu će biti dodijeljena *šifra*, koja predstavlja jedinstvenu identifikacionu oznaku a u svrhu provođenja postupka upisa i objavljivanja liste primljene djece.

IX Nepotpune prijave neće se uzeti u razmatranje, a neblagovremene prijave će biti uvrštene na listu čekanja.

X Ustanova zadržava pravo da djecu koja ne budu primljena u željeni vrtić rasporedi u vrtić najbliži adresi stanovanja, a vodeći računa o brojnosti i uzrastu djece u skladu sa Pedagoškim standardima i normativima.

XI Podnosioci koji nisu zadovoljni Odlukom komisije mogu uložiti žalbu Upravnom odboru Ustanove u roku od osam (8) dana od dana objave rezultata.

Za sve dodatne informacije molimo da nas kontaktirate na tel: 035 369-921 i 035 369-928.



JAVNA USTANOVA ZA PREDŠKOLSKI  
ODGOJ I OBRAZOVANJE  
„NAŠE DIJETE“ TUZLA

DIREKTOR  
  
Anesa Mešanović,  
prof. predškolskog odgoja

Broj: 01-34-1147-2/2026  
Datum: 31.03.2026. godine